

寶慶四明志

四明志卷第二十一

象山縣志全

叙縣

沿革論

象山縣在秦漢時爲會稽郡鄞縣地晉析臨海縣之北與鄞縣之安北鄉置寧海縣屬臨海郡

臨海縣本會稽郡回浦縣地後漢改回浦曰章安具太平二年析章安置臨海縣素城志云晉

武帝太康元年析臨海之北置寧海縣寧海土風志云縣本漢回浦鄞二縣大元三年裂鄞之

八百戶安北鄉二百步置寧海縣隋開皇九年廢鄞入句章屬

會稽郡廢寧海入臨海屬永嘉郡唐武德四年

析句章置鄞州析臨海置寧海縣七年省寧海
入章安縣屬台州八年廢鄞州爲鄞縣屬越州
永昌元年復置寧海神龍二年析寧海及鄞置
象山縣屬台州開元二十六年置明州于鄞縣
廣德二年以象山屬明州海曲有山形如象故
曰象山縣始置時監察御史崔皎奏於山之東
麓彭姥村立縣治以山名名之三垂皆海惟西
南有路通寧海縣貞元中爲中縣有五鄉
皇朝景德三年併爲三鄉九域志爲下縣

境土

東西二百里南北二百五里縣治西北距府城
驛三百七十一里

東至鄞縣界八十里以東殊山爲界

西至台州寧海縣界一百里以磕蒼山脊爲界

南至台州寧海縣界一百九十里以秋盧門海
港爲界

北至鄞縣界一十五里以嶼山爲界

東南到海六十里

西南到台州寧海縣界一百十五里以漁溪海

港磕蒼山脊爲界

東北到鄞縣界四十里以鄞港及中流及翁山
爲界

西北到奉化縣界二百四十五里以鄞港中白
石山爲界

風俗

土狹而人尚儉訟稀而賦易辦宦遊者謂之海
東道院士夫安於恬退庸庶勤於耕墾少蠶織
多漁鹽無巨室無巨商淳厚有古之遺風焉

縣令

楊弘正

唐大中元年
修康霞觀

陳握

皇朝太平
興國三年

李士龍

樵居實

端拱元年
令兼簿尉

閻道化

淳化二年

宋去華

淳化四年
令兼簿尉

楊逢獎

淳化五年

李顯

至道二年
定海縣主簿兼令尉

朱照

咸平元年

何肅

咸平三年

胡晝

咸平六年

司空禧

景德二年

張陶

景德三年

董京

大中祥符元年

朱文郁

大中祥符四年

趙可及

大中祥符六年

李士寧

大中祥符九年

邢譔

天禧三年

郭昭華

乾興元年

杜宏

天聖三年

楊圭質

天聖七年

審軻

明道元年

陳良

景祐二年

從小贊晏

寶元元年

東方觀

康定元年

李符

康定二年

任承德

慶曆四年治石硯以捍海見劉放西谷記

張積

慶曆八年

郎洞

皇祐二年浚河蓄水以備旱見劉放西谷記

魏中師

皇祐五年

張仲義

至和二年

顧方

嘉祐三年有治績踰年而死
民哀而祠之見劉攽西谷記

陳玠

嘉祐六年

林旦

治平元年劉攽西谷記曰以文學爲政邑
民宜之嘗大病民有割股肉以療者吾聞

其通海西港以利涉板築縣城而正社稷
夫子之位堂宇墳埒皆應古典既知所務
矣修治西谷益植花卉因其老木脩竹作
爲亭榭以眺望滄海而想蓬萊非其有餘
力而暇
及此哉

江樸

治平四年

黃顏

熙寧三年

杜調

熙寧六年

滕寶臣

熙寧九年

程漸元豐二年

蘇澣元豐五年

葉授元祐元年

彭育元祐四年

章允文元祐七年

丁執文紹聖四年

裴公冕元符元年

祝粹元符三年

王劭崇寧元年

徐敏求崇寧元年

朱戩

崇寧四年

李岨

大觀二年

李丞

大觀三年

江翊

政和二年

翁範

政和七年

錢塢

宣和元年
丞攝邑

彭洵

宣和七年

王治

建炎三年

周秘

建炎三年

趙舉之

建炎四年

三十一

三

三

毛璽

紹興三年

宋砥

紹興七年

王萃

紹興十年

馬希哲

紹興十三年

左邵

紹興十六年

謝徽

紹興十九年

從小從真知柔

紹興二十二年

沈元壽

紹興二十五年

俞光疑

紹興二十八年

范嗣蠡

紹興二十九年以司戶攝邑

晏解

紹興三十年

胡琦

隆興元年

葉榆

乾道二年

褚伯起

乾道五年

張安中

乾道八年

高子莫

淳熙二年

蘇森

淳熙五年以
定海尉攝邑

許知新

淳熙五年

蔣鷄

淳熙九年

徐窠

淳熙十一年

王椿

淳熙十一年

胡榘

淳熙十四年以
監比較務攝邑

李孟傳

淳熙十五年

朱光朝

紹熙二年

唐士列

紹熙五年以
監昌國鹽場攝邑

趙善與

慶元元年

沈球

慶元三年以
監比較務攝邑

韓元禮

慶元四年

趙潭夫

嘉泰元年

張拭

嘉泰四年

周褒然

開禧三年

施季豹

嘉定三年

袁一之

嘉定五年

王懌

嘉定十年以
海丞攝邑

汪賢舉

嘉定八年

趙崇賀

嘉定十年以
定海丞攝邑

趙善晉

嘉定十一年

王度

嘉定十五年

趙希魯

嘉定十六年以
昌國簿攝邑

季齊愈

嘉定十七年

李仁明

寶慶三年

曹泳

紹定元年以
司法攝邑

毛遇順

修職郎

紹定元年八月初七日到任

社稷

壇在縣西二百步 治平中令林旦修

城隍

廟在縣西南二百四十步唐神龍二年建

學校

至聖文宣王廟與學同建於唐會昌六年在縣
東南一百步前鄉貢三傳王關記

皇朝嘉祐中令顧方修繕講肄尤盛刻前記于
石 治平中令林旦重修 建炎兵燬 隆興
元年令胡琦重建且記之久而圯講堂四齋以

及門廡 慶元六年令韓元禮所更新也 大

成殿 嘉定十一年令趙善晉所更新也 殿成

校書郎張處記之昌國簿趙希魯以十六年來
攝邑事創亭曰攀桂

祭器

主簿方東置

祭服

闕

御書

寶慶訓敕士風御筆二軸

一軸漕司頒降
一軸本府頒降

錢糧

穀二百八十二碩四斛

租錢二十七貫四百文

海塗稅錢一百五十貫三百五十文

元本府

嘉定四年守王介
截撥下縣學養士

城郭

縣城周回一百五步 治平中令林旦築河水
環之東門曰登瀛西門曰登台

坊巷

蓬萊坊

明倫坊

襲慶坊

三瑞坊

遺愛坊

興孝坊

綠野坊

裕民坊

聯桂坊

晏清坊

鳳躍坊

太平坊

聞弦坊

應真坊

叢桂坊

望僊坊

崇仁坊

拱星坊

興文坊

倉庫務場等

倉

縣西十步

義廩

嘉定六年主簿趙善幹置分傾三鄉寺院以便賑糶

庫

縣廊

酒務

縣西南一百八十步

教場

縣對聽近

玉泉鹽場

紹興初置縣東北三十里又有子場曰瑞龍口東村

玉女鹽場

縣南九十里本玉泉子場以監官往來迂遠嘉定四年立為正場

居養院

皇朝建中靖國元年四月以百姓地為之崇寧四年十月里

遙遠移縣東一百五十步

安濟坊

縣東一百五十步皇朝崇寧三年六月建

漏澤園

縣東北三里皇朝崇寧三年六月置

公宇

縣樓門

慶元四年令韓元禮重建

宣詔亭

縣樓外東寶慶元年縣令季齊愈建

班春亭

縣樓外西寶慶元年縣令季齊愈建

勅書樓

嘉定十四年令趙善賢重建

聽

馮熙四年令
高子莫重建

堂

馮熙十五年權
縣胡架重建

聽軒

韓元四年令
元禮重建

西聽三瑞堂

嘉定十三年令
趙善晉重建

東聽

寶慶二年今
季齊愈重建

待賢亭

縣東
門裏

迎麾亭

縣西
門裏

無量壽亭

嘉定十三年縣令趙善晉於放
生池北建內有無量壽佛像

綠野館

縣南一百步直前皆洋田後臨放生
池嘉定十二年縣令趙善晉重建

觀瀾亭

縣北一里象潭山之趾
中縣令林旦置左丞許將有詩
治平

應真亭

縣西一里煉丹山頂治平中縣令林旦置紹興中縣令俞光疑重建嘉

定十三年縣令趙善贊移置于仙掌巖之前

濯纓亭

縣西一百步谿側西谷牯源徑之間治平中縣令林旦置

灌木亭

縣西一百步山間西谷之南治平中縣令林旦置其側有曲木亭竹間亭射

圃

升浮亭

仙掌巖之下慶元初縣令趙善與建

照香亭

就縣治西牆爲之俯瞰餘曠縣令趙善與重建

香風亭三友堂更好亭芥庵竹籬茅舍月臺桃

嶺望稔樓

皆在縣治西圃慶元初縣令趙善與建

滌塵亭又名東谷泉亭

縣東北四里有泉泓然雖旱不枯往來便于汲

飲 嘉定十二年縣
令趙善晉置亭于側

方壺亭

縣西北一里鳳躍泉之南林木蔭翳
崖嵌峭健容一亭下既清端 嘉定十

二年縣令
趙善晉置

圓嶠亭

縣東三里東谷桃花曠之南四山盤旋
前揖松蘿下俯石澗 嘉定十二年縣

令趙善
晉置

官僚

主簿

聽事縣治之東 寶慶三年主簿姚時雍
重建 平易堂 嘉定六年主簿趙善瀚

建寺簿徐僑書 月鞋堂 嘉定五年主
簿方東建宣猷公樓 鑰書後易為五桂堂

主簿趙汝遇書 登
瀛臺石曼卿書父廢

尉

聽事縣東一百步 隆興
初置武尉以蓬萊驛為之

監酒

玉泉監鹽

聽事縣南五里
負文武通差一押袋
紹興初有監官二
催煎其瑞龍

東村玉女溪三場兼領之
年分玉女溪爲正場以押袋爲監官
嘉定四

催煎爲玉泉監官兼
領瑞龍東村二場

玉女溪監鹽

聽事
本場

東門寨巡檢

寨在縣南一百里東門山側當海
道之衝舟舶多艤于此嘉定二

年置寨官一員於定海接水軍六
十人更戍之十四年臣寮奏寨兵

擾民
竟罷

驛鋪

蓬萊驛

縣東一百步今
爲縣尉廨宇

西谿驛

縣西南四十里父廢

應真館

縣東一百四十步父廢

陳山驛

縣東北一十五里父廢

後倚驛亭

縣西四十里海際住持僧嘉定十六年智門院住持僧師哲建

西砂嶺驛亭

縣西三十里住持僧嘉定十六年智門院住持僧師哲建

鋪

乘海潮往來府縣故不置

叙山

象山縣北半里山形如象因以名焉山腰有水曰象潭唐乾符二年鳳凰翔于山之巔故又

名鳳躍峯

玉几山縣南十五里縣治對之爲案山

煉丹山又名蓬萊山縣西一里衆山隱映圓秀
其巔平夷有丹竈及煉丹亭址陶隱居嘗煉
丹於此更有上有峯巍然號大煉丹海上望之
層巒傑嶂如畫邑人逢春登覽號爲勝槩其
側有僊掌巖掌跡隱然

鼓吹山縣東八里其峯萃然孤峻天將雨雲霧
先起有聲轟轟如鼓吹鳴

僊跡巖縣東十五里地名杉木檮長七尺許廣
三尺指跟瞭然巖洞闕於屋數間洞內有石

九
佛像頗多洞前之石平夷闊三丈許成五彩
文有石獅子如羊犬蹲踞圓巖上

聖孃山縣南十里世傳昔有一女在山上隱見
若神

南巖又曰千頭巖縣南五十里三巖參天如列
筭而中者尤峻拔

道士巖縣南五十里疊石高數十丈特立路旁
冠貌儼然宛類道士

東門山漢書地理志所謂天門山也

奉化縣亦
載天門山

象山奉化皆古鄞
縣地也姑兩存之高二百丈周回二十五里

兩峯對峙其狀如門闊一百五十餘步下有
橫石如閘潮退湍瀉惟風平浪息乘舟可渡
蕃船商船必經從之潮未平或有風濤則蟻
聚泊舟山下此海道之衝要也

甌瓦山狀如甌瓦因以爲名巖上有僊跡長尺
餘

版場坑山巖上有僊跡長尺三寸深半寸
師孃奧山舊有農人墾地獲一古鍾

三萼山有三峯春時雜花交發綺麗可觀
于縮山古有漁人于縮卒於此

東西濤山四面皆風濤未嘗暫息人跡少到

擔子山狀如曲擔

陽大嶼山

秋盧門山

大門山

石壇山以上皆縣南海中

佛頭巖縣東南二十五里巖高十餘丈上如佛

首中斷如蜂腰岌然欲搖動又謂搖巖環巖

遠近皆蒼苔花遇夏花開彌望如雪香聞十

餘里

鋸門山縣東南二十五里其山中斷如門

面現山與縣相望無山間隔因以爲名

大睦山

秋閑山

葑山

大薤山

以上皆縣東南海中

雞籠山縣西南五里圓秀望之如雞籠山麓有

白鶴廟

伍師山縣西南四十里上有白龍潭舊有五僧

修道于上

台明嶼縣西南海中兩山相對一台山一明山

此台明分界之所

馬鞍山兩頭起峯宛如馬鞍

雙泉山上有二穴出泉味甘可飲過舟常汲之

東殊山

以上皆縣東海中

天印巖縣西七里大畧其巖如六花印

化氣巖縣西三十里又號蒙頂山夏旱驗之有

少雲氣自巖竇出必雨

西殊山縣西海中

金雞嶺縣東北二十五里嶺上小大之石皆有

雞爪距跡

珠巖山縣東北三十里世傳蕃舶自海中見此山有寶氣因至尋之不獲而去半巖有古檣奇怪人莫能取或傳常出白堊

鄭行山縣西北十里山尤高聳上產靈草佳茗舊有鄭行結庵于上

新羅界山縣北七里耆舊相傳新羅國人嘗泊舟于此

叙水

渠堰樂關橋
梁津渡附

水

海環三垂東南皆大洋北則巨港東曰錢塘南
曰大睦西南曰東門皆蕃船閩船之所經從
自錢塘而北則定海自東門而南則台温此
大洋也其北港則陳山渡舟之往來東達于
洋西距鮑埼由陳山渡一潮至方門再潮至
烏埼三潮可至府城下

放生池縣南百步

白馬湖縣東南十里初縣之東塘山有王氣鑿
之有白馬飛入湖中因以爲名

舊河在縣之南合三十六澗灌上洋田六萬畝

十里流于朝宗壙又五里西至靈長壙

瑞龍河千有餘丈在縣之東

千丈河在縣之西二河皆 淳熙五年令許知

新創開以灌下洋之田

龍洞縣東南二十五里鋸門山之趾也世傳五
龍聚會之所洞瞰巨海中如石屋闊數丈每
歲上巳邑人俟潮汛退橫舟入洞觀之巖花
石乳繽紛懸墜下有白黑碁子石布于沙磧
更入四五丈巖迴洞深洶湧澎湃寒陰凜然
不可進矣天將大雨水如雷鳴聲聞十餘里

歲旱投以朱書鐵簡則雨立應

東攝潭縣西七十里層峯峭壁捫蘿而登有小瀑布流下于潭爲歲旱禱得鶴龜則雨隨車至鶴龜其甲尺許背如鸚鵡尾長八九寸鱗甲炯然

白龍潭縣南三十里伍師山巔爲旱禱雨多應清潭縣西南十里山木陰翳上有石雷注水于潭石壁多菖蒲主簿陳震嘗爲旱禱甫下山而雨作

湧泉潭縣西南十五里潭清淺人謂龍穴亢旱

則斬鵝祭之鏡鼓方鳴泉即湧出或有得雲
母石於潭側者

瀑布泉縣西南四十里泉瀉于靈巖之止飛流
濺沫迨百餘丈有猿藏巖中時出沒于瀑布
之間鄧仁憲廉布吳說諸公嘗有題詠相傳
巖端生奇花枯檜仍有舟船碇石之跡

雙竇又名巨穴潭縣東南二十里有二穴深不
可測其水隨潮升降下通龍洞

玉泉縣東北三十里廣福院前泉深三尺味甘
色白烹茶為勝立夏後則泉溢立秋後則泉

涸有怪松偃蹇覆于上

海眼縣西南五里白鶴廟前雖旱不枯

金蛤潭縣東三十五里珠巖之巔其潭晴雨皆涸特沙蹟耳上有石壁遇旱禱之則有水如珠從石壁中迸出須臾盈潭遊鱗蜿蜒中有金蛤呼之有聲應則雨山東面之潭爲大金

蛤

平石潭縣西南二十五里

白蟹潭縣西南三十五里

金松潭縣南二十五里

大門潭縣南八十里

青峯潭縣西南二十五里

紹興間主簿表達

禱雨隨應

碑聞

朝宗碑縣南十里 紹興七年縣令宋砥修處

州錄事參軍廉布記 隆興元年主簿趙彥

逾重修置寨屋於其側每歲官差僧行居之

眎水旱以爲啓閉輪人戶兼管且修其碑板

靈長碑縣西南十五里其地勢稍高常築而不

泄非暴漲則不啓

理川碑縣南十五里

會源碑縣東南十七里久廢邑人以水暴漲朝宗靈長二碑泄之不及且於陰陽家風水有妨許縣乞用此碑 嘉定十二年縣令趙善晉爲造石碑以代朝宗啓閉朝宗旣築水大至則聽其從碑間上泄之

橋梁

縣東橋

東半里 皇朝景德三年置

縣西橋

西一百七十步

縣市橋

縣南七十步

中路橋

縣西南一百三十步

保德橋

縣東北一十里

惠政橋

縣南一里
紹興間編木爲之，久廢。
嘉定十三年，令趙善晉重建，易之以石。

支橋

縣西南四十里

大橋

縣南四里
紹興間置

湯家後門橋

縣東南五里

東谿橋

縣西南六十里

下林谿橋

縣東北八里

陳雅洋橋

縣西三十里

大谿橋

縣西一里

津渡

陳山渡

縣東北一十五里自陳山發船折二百里經兩潮至奉化縣東宿登岸舊皆民船私載特遭風濤海寇之患陸興元年主簿趙彥逾翔造船二隻皆面闊一丈六尺朝夕互往兩船篙手共二十人每名月支常平錢一貫二百五十文自

此民旅無虞損則官修或重造

表村渡

同在陳山海步發船兩潮至奉化縣表村登岸舊皆私船時遭劫溺後縣自造官船抱納常平司錢以其餘為修

姜嶼渡

陳山二船之用及月撥十千助學乃舊名吳七娘渡在縣西北五十里津頭東宿登岸

湖頭渡

縣東北三十五里舊為陳山子渡自本邑田下湖長登舟平湖至鄞縣東湖頭

登岸

白查渡

縣南四
十里

叙產

土產已載郡志畜之品有白羊府所以供

御者於邑取之花之品有紅木犀最奇邑士史
本初得此種因接本獻 闕下

高宗皇帝雅愛之曾畫爲扇面

御製詩題其

上以賜從臣榮堯詩曰月宮移就日宮栽引得
輕紅入面來好向煙霄承雨露丹心一一爲君
開復古殿又題曰秋入幽巖桂影團香深粟粟

照林丹應隨王母瑤池曉染得朝霞下廣寒自

是四方爭求之歲接數百本史氏以此昌其家

今惟邑境所植者色深而香烈移之四方則色

香少損此地氣然也今制使胡公槩舊嘗以監

瓊揉香作肌骨霽日吹紅染膚色人間何處有

此施一種風流初未識東隅月戶編三千夜脩

玉闕瀛洲前拂搖桂子偶墜此雨露培植開韶

妍史翁移根出葱蒨雕斛持歸翠微殿一朝麗

質冠百昌御墨分題落團扇何季流轉江有南

鄉一本奚翅千金償分枝接葉色已茂縱有此

花無此香絕愛西山佳麗地鵲鵲林倚清吹

寧論斜日杏花酣未許熙春海棠睡是時金氣

初高明宇宙軒豁澄埃氛青霞絳雪互點綴濃

芬賸馥飄氤盒驚峯繁黃今不數破戒山僧練

裙女試看香御擁紅雲肅奉虛皇游碧宇携持

寶鏡吹波金寒光萬頃空人心曠君控取紅鸞

住便恐香裏夜飛去
雲粟藥拉金葉凝碧獨在秋林逞顏色豈知東
溟史氏居別有奇標人不說姮娥侍女盈萬千
一姿貌皆無前爲嫌此花忒淡薄溼丹乞與
春爭妍露滋煙脂霜染舊植根只向廣寒殿凡
塵俗韻不可干清涼惟許秋風扇何年移到蓬
萊鄉鉅萬索直誰敢償盤紆欄檻久不暱一日
名飛並國香豪貴爭看期縮地載酒遲來煩鼓
吹園丁聞之競采頰夜深不使花神睡接枝換
骨離四明飄飄爽氣排妖氛遂令禁籞成真
賞餘馨賸馥常氤氳芙蓉寒菊不足數包羞正
似無鹽女從渠搖落動秋聲獨步惟茲榻窠宇
我嘗對此傾葵金却思四海狀元心慙勸花
宜且住寒士人人折得去胡公再次韻云霧
隱森森小山碧不嫁春風矜國色流芳端自榮
珠僊曾是先皇親拔識一身便足當三千象
韻迺在黃香前聊同蘂菊領秋意不與桃李爭
春妍日暝雲幢護青情丹霞爲臺月爲殿露滋
詔艷染程袍風引清芬吹維扇結根只合帝
子鄉價重未可換瑤償濟川小試舟楫利作醴

我	看	一	遺	深	地	與	忽	蒲	艷	斗	是	越	長	佇	根	采	齡	吹	更
心	聲	二	髻	花	飲	換	朝	姮	誰	酒	色	王	在	看	對	五	遭	影	助
怪	名	數	注	或	賞	骨	移	娥	曾	沽	群	再	廣	一	青	芳	聖	斜	擷
底	飛	他	想	睡	鈞	坐	本	毀	着	十	花	次	寒	諾	女	今	明	遙	蘭
斯	海	日	文	于	天	使	下	却	口	千	四	韻	宮	輕	幸	正	氣	漢	香
人	宇	補	王	今	動	凡	吾	思	論	狂	季	云	稟	干	分	傳	使	玉	懣
掉	雄	天	固	哀	倦	種	鄉	一	嫵	歌	作	鄭	住	金	餘	氣	萬	蟾	籍
頭	篇	慕	王	戚	吹	皆	此	見	妍	爛	芳	峯	容	媽	馥	盪	寒	寒	聲
不	篇	媧	關	徧	高	天	願	無	准	醉	菲	老	我	然	露	後	里	香	在
肯	地	女	佳	幽	燒	香	端	由	閨	群	一	子	雙	顧	來	塵	開	度	丹
住	如	正	氣	明	鳳	知	緣	緣	丹	花	笑	雙	鸞	笑	江	梅	祥	鎖	地
明	金	欲	徒	霜	蠟	先	但	寫	桂	前	觀	瞳	共	舒	一	誰	窻	窻	紫
年	俊	攀	氣	湖	類	皇	寫	奇	藏	紅	之	碧	來	丹	吐	誰	金	金	殿
開	逸	技	愈	仙	星	得	寫	標	青	紅	如	已	去	心	寒	比	鴨	鴨	名
策	清	效	胡	駕	繁	之	寫	標	青	白	不	悟	忠	願	花	數	鴨	鴨	高
君	新	郊	君	超	正	植	寫	標	青	白	識	人	定	公	照	獨	鴨	鴨	非
門	洗	詵	真	塵	恐	禁	寫	標	青	白	有	間	史	干	霜	抱	鴨	鴨	濕
去	會	會	村	夜	夜	夜	寫	標	青	白	時	空	空	秋	宇	孤	鴨	鴨	濕

叙賦

鄉村

政實鄉負郭管里一保十二

美政里

烏石保

縣西北
二十里

白石保

縣南
五里

弦歌保

縣西
五里

保德畧

縣東北
十里

考坑保

縣東北
五里

延壽畧

縣北
五里

陳山保

縣北
十五里

下史保

縣南
五里

黃谿保

縣西北
十里

西砂保

縣西
二十里

淡港保

縣西
十五里

姜嶼保

縣西
十五里

歸仁鄉縣南十五里管里一保十

崇仁里

九頃保

縣南十五里

馬江保

縣南二十里

東谿保

縣西南十五里

青部保

縣西南八十里

後門保

縣南一百里

周畧保

縣南七十里

松畧保

縣南十五里

管谿保

縣西南十五里

西溪保

縣西南十五里

馬畧保

縣西南七十里

遊仙鄉縣東七里管里一保十

和順里

舊名三山里

竺山保

縣東北十五里

拓溪保

縣東七十里

錢倉保

縣東三十五里

夾嶼保

縣北二十五里

東村保

縣東北十五里

朱溪保

縣東北四十里

塗雌保

縣東北三十里

雀溪保

縣東二十里

赤坎保

縣東南二十里

大徐保

縣東北十五里

鎮市

象山鎮

舊在縣西南一里久廢

弦歌市

在政實鄉美政里市心縣南七十步

田畝

民田一十三萬一千九百二十畝二角

戶口

主戶九千七百五十六口二萬八千九百二十

八

客戶三千六百二十四口一萬四千八百九十

二

夏稅

絹二千七百二十七匹三丈九尺三釐

正稅一千八十七匹三丈九尺三釐

和買一千六百四十匹

紬七百一十八匹二丈六尺

正稅三百七十五匹二丈六尺

和買三百四十三匹

綿五千五百九十二兩

折變

折帛錢

絹六百二十三匹計錢四千一百一十

五貫

正稅一百三十一匹每匹七貫文計

九百一十七貫文

和買四百九十二匹每匹六貫五百

文計三千一百九十八貫文

綉四百四十匹計錢二千九百四十三貫文

正稅一百六十六匹每匹七貫文計一千一百六十二貫文

和買二百七十四匹每匹六貫五百文計一千七百八十一貫文

綿二千三百二兩每兩四百文計九百二十貫八百文

亭戶折鹽

絹三十六匹二寸三分六釐

紬一十一匹二丈一尺九寸一分五釐

綿二百五十四兩一錢七分三釐

實催本色

絹二千六十九匹二尺八寸五分二釐此

額增四尺八分五釐
補所虧紬數

紬二百六十七匹虧四尺八分五釐
入絹數

綿三千三十五兩八錢二分七釐

秋稅

苗米三千四百九十七碩一斗五升九合三勺

折變

亭戶折鹽一百三十碩七斗二合

實催本色三千三百六十六碩四斗五升七

合三勺

酒

以寶慶三年為準

象山務係糴買場

本柄錢二千九百二貫六百五十八文

糯米九百六十二碩六斗四升一合四勺

從例逐年每碩豁除價錢二貫六百

五十文計一千六百九十 貫六百

九十九文

麩麥一百一十七碩四斗四合每碩價錢
三貫六百文計四百二十二貫六百
五十四文

夫食物料錢七百八十二貫三百五文

造麩三十一貫三百六十五文

造生煮酒二百七十六貫二百二十二

文

袋紬八匹每匹四貫文計三十二貫文
箍鉗打竈六十貫文

官吏巡脚夫食糜費輕空滲漏賃坊基

等三百八十二貫七百一十八文

收息錢七千八百九十貫四百一十三文

諸司四千六十八貫四百七十七文

經總制司五百八十五貫四百八十六

文

移用司三十六貫五百七十八文

上名寬剩一千八百九十七貫五百五

十文

五分淨利九百一十四貫七百九十三

文

糴本司六百三十四貫七十文

本府六千七百二十四貫五百九十四文
糟錢一百九十一貫一百七十二文納本府
醋息錢六十貫文納本府

人戶買撲酒坊五所

東溪坊

西溪坊

西砂坊

東村坊

青部坊

歲額淨息錢五百四十三貫三百五十一文
常平司三百八十八貫五百五十一文
本府一百五十四貫八百文

商稅

無

淳熙四年有旨續置砂岸並除罷慶元二
年陳景愈於爵谿赤坎後陳東門等處劫置稅
兒縣令趙善與以擾民白府罷之提刑李大性
攝府與除免所抱之錢嘉定二年楊圭冒置
分布樊益樊昌等爲海次爪牙鄭宥等訴之主
簿趙善瀚歷陳其害五年守王介申朝廷除
罷毀其五都團屋版榜示民寶慶元年胡遜
柳椿假府第買魚鮮之名私置魚團鄭宥等又
有詞倉使齊碩攝府杖其人而罷之

雜賦

免役錢兩料共七千七百一十五貫二百七十

四文

縣吏支五千一百六十八貫四百三十四文

本府八十四貫文

解發減省人吏錢在京官
負催錢支府吏錢並在此

經總制二千一百七十一貫三百二十八文

官戶不減半二百九十一貫五百一十二文

茶租錢一百九十七貫七百八十四文

水脚錢一百九十九貫四百七十一文

河渡錢二百八十貫八百文

常平司

職田

米一百七十七碩一斛二合

知縣一百八碩五斛一升四合

主簿三十一碩六合

縣尉二十九碩二升

司戶七斛

奉化縣丞七碩八斛六升二合

鹽

玉泉場額五千二百二十袋

玉女場額一千六十袋

叙兵

弓手

尉司額八十名

叙人

見郡志

叙祠

神廟

東嶽行宮縣西南二百五十步棲霞觀之側

大觀中建

主山昭應廟縣西北一百四十步舊名圓峯按

唐會昌中主關撰文宣王廟記有云自圓峯

祠歷城隍廟則此祠其來尚矣或以爲縣主
山形圓因名之一日午自其舊祠飛片瓦止
于今廟之基邑人姜臯因遷焉境內嘗歲饑
瀕海窘糴忽有乘大舟抵岸者出告邑人曰
昨日中流有扁舟載酒果招吾米者自云居
縣西山下旣往訪之乃廟也觀神像驚愕且
拜即平價盡糴衆賴以濟 建炎四年金寇
至海盜乘之猖獗由昌國至白峯將抵邑境
邑方戒嚴海民忽報陰霧陡變中有舟幟旗
幟甲兵衝突出港風雹大作賊舟沉溺遁去

劉帥大兵至邑先往西溪屯駐後軍使臣冉
進未發欲於簿聽閣下縱火爲亂帥恍惚見
一急足告變驗之果然乃斬冉等於廟側是
歲有

旨賜昭應廟額水旱疾疫有禱必應遠邇爭
奉香火每歲以六月七日爲生辰會累封靈
澤孚佑昭貺顯濟

沖應真人祠縣西南二百五十步蓬萊山之下
透瓶泉之北與棲霞觀同建真人姓陶諱弘
景舊封貞白玉欽其石靈驗記云梁朝真人修

藥於蓬萊觀自寫真于東壁有居觀側者晨
起必望觀瞻禮常販于天台一旦隨舟渡海
將及縣步颶風大作舟欲傾沒同舟六七十
人見一道士乘雲隱約黃色光芒中以羽扇
約風曰陶真人相救毋怖畏言訖風息既濟
其人引同黨至觀覓真人像如舟中所觀遂
相率脩飾觀宇以荅焉 治平中袁廣淵又
記云 祥符元年京師營昭應宮自永嘉掄
巨材浮海至邑之南風濤幾溺舟人於空中
見道士謂曰吾象山蓬萊觀陶真人也且救

汝湏臾安濟 慶曆中道士鄭日微更造殿
宇而壁間所寫真遂泯其徒嘗以縑素摹留
副本有誠禱者則幅巾黃服隱然現壁間
淳熙末令王椿爲旱禱像現而雨上其事于
朝錫今封

晉濟廟縣東南三十五里舊曰鋸門廟

祚聖廟本東門廟在縣南一百里世稱其神曰
天門都督按天門山在南海中而接寧海之
東境故號東門下有石閘潮汐衝撞最爲湍
險

詳見東

門山

舟船往來必致禱焉唐正觀間有

會稽販客曰金林數經從薦牲醴惟謹舟行
每得所欲一日祭畢誤持胙肉去解纜行十
餘里欵然逆風復漂至廟下不得前舟人恐
甚乃悟所誤亟還置加祈謝即反風安流而
濟永徽間會稽又有工人曰蔡藏自泉州造
佛像回獲緡錢數百祀禱少懈舟發數里而
覆惟篙師僅免是知廟之建置久矣謂之天
門都督者尊之如方伯也

皇朝建炎四年賜今額

白鶴廟縣城內神姓趙名炳字公阿東陽人能

爲越方事見東漢書方術徐登傳沒於章安
台州人祠之甚謹象山舊爲台屬邑故亦祠
焉祈禱輒應 嘉祐六年令陳玠銘于石

顧長官祠在縣城內長官名方字正夫丹陽人
皇朝皇祐末登進士第再調明之象山令視
事日召邑人父老詢民間利害及境內士民
善者召而勸之惡者諭而戒之又建學舍率
子弟之秀者教之親爲講解誘掖使進於善
逾年民大化服俄而方病邑民率錢詣塔廟
祈禱者千人方竟不起百里之內號泣思戀

如失父母相與立祠以時祀之丹陽錢君倚
毗陵胡宇夫皆記其事刻石祠中士大夫以
詩頌追美者不可勝紀事見

皇朝類苑今祠有碑見存上饒何籀撰

宮觀

棲霞觀縣西南二百五十步蓬萊山之下舊名
蓬萊觀秦徐福梁陶弘景皆隱迹于此隋大
業元年廢唐天寶十三年台州刺史袁仲宣
復置大中元年令楊弘正告于明州刺史李
敬方重修孫諫卿記

皇朝治平二年改賜今額 淳熙末道士遷
其觀於山之西 嘉定十三年道士張大原
於舊址重建

寺院

禪院九

鳳躍山等慈院縣西北一里舊名鳳躍院宋元
嘉二年置

皇朝治平二年改賜今額方預撰釋迦殿記
縣令李齊愈撰備置堂記常住田三百一十八
畝山二百七十五畝

瑞雲峯延壽院縣北七里舊名龍壽院漢乾祐

二年置王說記

皇朝治平二年改賜今額常住田九百一十四畝山二百七十畝

智門院縣西二十五里舊名保安院周顯德四年置

皇朝治平二年改賜今額常住田六百七十四畝山二千二百四十四畝

常樂院縣東北三十里唐乾寧中刺史黃晟建皇朝乾德二年賜號慶寶院久而圯嘉祐

八年易爲十方僧道相文應重修 治平二
年改賜今額廬江縣主簿樓郁撰十方記常
住田五百三十一畝山九百四十畝

太平廣福寺縣西南五十畝

皇朝建隆三年置 熙寧元年賜額俞觀能
撰佛記常住田四百五十三畝山一千五百
七十畝

蓬萊山廣福院縣西南三十里舊名蓬萊院漢
乾祐元年置

皇朝熙寧元年拜改名壽聖權婺州永康縣劉

渭記 紹興三十二年改賜今額常住田四
百八畝山一千三百九畝

護境廣福院縣東北二十里

皇朝建隆二年置 熙寧元年加賜壽聖二
字 紹興三十二年改賜今額常住田二百
畝山三百九十六畝

靈巖廣福院縣西南四十里

皇朝太平興國二年僧智瑫建進士俞讓記
熙寧元年加賜壽聖二字 紹興三十二年
改賜今額常住田八十五畝山六百一十畝

仙巖院常住田九十九畝山一百一十二畝

教院三

寶梵院縣東北一百三十步舊名東禪院

皇朝建隆二年置 治平二年改賜今額常
住田一百五十六畝山一百七十九畝

廣福保寧院縣西南二十里舊名保寧院周顯
德五年置

皇朝熙寧元年加賜壽聖二字 紹興三十
二年改賜今額常住田一百七十七畝山無

玉泉廣福院縣東北二十里

皇朝乾德二年置 熙寧元年加賜壽聖二
字 紹興三十二年改賜今額常住田三百
一畝山一千四十三畝

甲乙律院四

普明院縣南十五里梁天監元年置名湧泉
皇朝治平二年改賜今額御史臺檢法官王
庭秀撰方丈記常住田四百四十五畝山一
百一十五畝

瑞龍廣福院縣東南十五里

皇朝乾德四年置 熙寧元年加賜壽聖七

字 紹興三十二年改賜今額常住田六百
四畝山二千畝

新安院縣南八十里周廣順三年置常住田五
百三十三畝山一千八百畝

伍師院縣西南三十里周廣順三年置常住田
三十五畝山二百畝

叙遺

紀異

淳熙三年縣之西山隴中有麥一莖兩歧令高
子莫獻于郡 皇子魏王圖上于朝

孝宗皇帝御札褒美 魏王有詩刊于石

嘉定十四年中元日雲現于縣西山之上五彩
間錯光華燦然父老驚歎目所未覩邑令趙
善晉繪以爲圖好事者形之歌詠自是五穀
屢豐

存古

孔侯墓縣之童翁浦侯姓孔行第七失其名即
此浦人也性剛志烈義不苟合鄉里敬而憚
之唐咸通中有富都巡吏劉贊夢侯告曰子
平生以忠義處世今死矣上帝錄吾之善姓

名已籍水府真錄然吾屍猶泛濫於沙浦間
子能收而窆之且創數楹俾吾有棲託必爲
民利贊訪得屍果如所夢乃斂葬于此立祠
以祀之今定海縣有助海侯廟兵部侍郎皮
光業記即侯也

象山縣志全